



ԻՆՖՈՐՄԱՑԻԱՅԻ ԱԶԱՏՈՒԹՅԱՆ ԿԵՆՏՐՈՆ ՀԿ  
ՀՀ, ք. Երևան, Բուզանդի 1/3, 4-րդ հարկ  
Հեռ. 091407836, Էլ. հասցե [foi@foi.am](mailto:foi@foi.am), [www.foi.am](http://www.foi.am)  
FREEDOM OF INFORMATION CENTER NGO  
1/3 Buzand street, 4th floor, Yerevan, RA

21.05.2019  
342-35

ՀՀ արդարադատության նախարար  
պարոն Արտակ Զեյնայանին

### Տեղեկատվություն ստանալու հարցում

Հարգելի պարոն Զեյնայան,

Ինֆորմացիայի ազատության կենտրոնը (ԻԱԿ) 2019թ.-ի մայիսի 6-ին դիմել էր ՀՀ Արդարադատության նախարարություն տեղեկատվություն ստանալու հարցմամբ (գրության N 342-08), որով խնդրել էինք տրամադրել թվով 7 հարցերի պատասխաններ: Մինչդեռ, Արդարադատության նախարարության 2019թ. մայիս 17-ի պաշտոնական պատասխանը չի պարունակում բոլոր հարցերի ամբողջական պատասխանները՝ ըստ համարակալման՝ խախտելով ՀՀ կառավարության 2015 թվականի հոկտեմբերի 15-ի N 1204-Ն որոշման պահանջը: Համաձայն վերոնշյալ որոշման 8-րդ կետի՝ «Հարցման պատասխանը պետք է լինի հավաստի և լրիվ՝ պարունակելով բոլոր առաջադրված հարցերի հիմնավոր պատասխանները: Դիմողի կողմից մեկից ավելի հարցերի առաջադրման դեպքում պետական մարմինը հերթական համարակալման միջոցով տրամադրում է բոլոր հարցերի հավաստի և լրիվ պատասխանները»:

Ուստի, համաձայն ՀՀ Սահմանադրության 42-րդ և 51-րդ հոդվածների և «Տեղեկատվության ազատության մասին» ՀՀ օրենքի 6-րդ հոդվածի, խնդրում ենք տրամադրել տեղեկալ հարցերի պատասխանները:

Խնդրում ենք տեղեկություն ստանալու հարցմանը պատասխանել «Տեղեկատվության ազատության մասին» ՀՀ օրենքի 9-րդ հոդվածով սահմանված կարգով և ժամկետներում:

ԻԱԿ-ի՝ 2019 թվականի մայիսի 6-ի 342-08 հարցումը՝ կից:



Հարգանքով՝

ԻԱԿ նախագահ Շուշան Դոդոյան



ԻՆՖՈՐՄԱՑԻԱՅԻ ԱԶԱՏՈՒԹՅԱՆ ԿԵՆՏՐՈՆ ՀԿ  
ՀՀ, ք. Երևան, Բուզանդի 1/3, 4-րդ հարկ  
Հեռ. 091407836, Էլ. հասցե [foi@foi.am](mailto:foi@foi.am), [www.foi.am](http://www.foi.am)  
FREEDOM OF INFORMATION CENTER NGO  
1/3 Buzand street, 4th floor, Yerevan, RA

6.05.2019  
342-08

ՀՀ արդարադատության նախարար  
պարոն Արտակ Զեյնալյանին

### Տեղեկատվություն ստանալու հարցում

Հարգելի պարոն Զեյնալյան,

Ինֆորմացիայի ազատության կենտրոնին է դիմել «Թիքեյ ընդ Փարթներս» ՓԲԸ գործընկեր, փաստաբան (Փաստաբանական արտոնագիր N 2072) Միսակ Բաբաջանյանը: Վերջինս 2019 թվականի ապրիլի 15-ին տեղեկություն ստանալու հարցմամբ դիմել է ՀՀ արդարադատության նախարարություն՝ խնդրելով տրամադրել տեղեկություն «Լիդիան Յուքեյ Կորպորեյշըն Լիմիթեդ» (Lydian UK Corporation Limited) և «Լիդիան Կանադա Վենչուրս Կորպորեյշըն» (Lydian Canada Ventures Corporation) ընկերությունների հետ առնչվող գործով միջազգային արբիտրաժային դատարանում ՀՀ իրավունքների և օրինական շահերի պաշտպանության ապահովման համար արտաքին իրավախորհրդատուի ընտրության վերաբերյալ: Հարցմանն ի պատասխան Արդարադատության նախարարությունը 2019 թ.-ի ապրիլի 26-ին ուղարկել է պաշտոնական գրություն, որում սակայն փաստաբանի հարցմամբ փնտրվող տեղեկատվությունը չի տրամադրվել և հարցմանը լիարժեք պատասխան չի տրվել:

Ուստի, համաձայն ՀՀ Սահմանադրության 42-րդ և 51-րդ հոդվածների և «Տեղեկատվության ազատության մասին» ՀՀ օրենքի 6-րդ հոդվածի, խնդրում ենք տրամադրել հետևյալ տեղեկությունները.

1. Արտաքին իրավախորհրդատուի ընտրության համար արդյո՞ք անցկացվել է բաց մրցույթ, եթե այո, ապա որտե՞ղ է հրապարակվել նման մրցույթի հայտարարությունը, եթե ոչ, ապա ի՞նչ հիմնավորումներ են օգտագործվել նման մրցույթի չանցկացման համար և որտե՞ղ կարող ենք ծանոթանալ նման հիմնավորումներին:

2. Արդյո՞ք առկա է Տեխնիկական Առաջադրանք (Terms of Reference): Եթե այո, ապա խնդրում ենք տրամադրել դրա պատճենը:
3. Ու՞մ կողմից է տեղի ունեցել արտաքին իրավախորհրդատուի ընտրությունը: Արդյո՞ք այդ նպատակի համար ստեղծվել է հատուկ հանձնաժողով, եթե այո, ապա ովքե՞ր և ի՞նչ չափանիշների հիման վրա են ընդգրկվել այդ հանձնաժողովում և արդյո՞ք այդ հանձնաժողովի համար ստեղծվել է գործունեության և որոշումների ընդունման վերաբերյալ հատուկ ընթացակարգ, եթե այո, ապա խնդրում ենք տրամադրել վերոնշյալ ընթացակարգի պատճենը:
4. Արտաքին իրավախորհրդատուի ընտրության համար ՀՀ կառավարությունն ի՞նքն է դիմել օտարերկրյա իրավաբանական ընկերություններին, թե նման ընկերություններն են իրենց առաջարկները ներկայացրել ՀՀ կառավարությանը: Խնդրում ենք տրամադրել օտարերկրյա այն իրավաբանական ընկերությունների առաջարկները, որոնց միջից էլ կատարվել է համապատասխան ընտրությունը:
5. Արդյո՞ք մասնակցություն ունեցած օտարերկրյա իրավաբանական ընկերություններն ունեցել են լոկալ/ներպետական գործընկերներ (իրավաբանական գրասենյակներ և/կամ անհատ իրավաբաններ), եթե այո, ապա խնդրում ենք տրամադրել այդ իրավաբանական գրասենյակ(ներ)ի և/կամ անհատ իրավաբան(ներ)ի վերաբերյալ տեղեկություններ: Ավելին, խնդրում ենք նշել, թե արդյոք օտարերկրյա իրավաբանական ընկերությունների և վերջիններիս լոկալ/ներպետական գործընկերների համար անցկացվել է հնարավոր շահերի բախման առկայության կամ բացակայության գնահատում, թե՛ ոչ: Եթե այո, խնդրում ենք դրամադրել այդ գնահատման արդյունքները և կամ համապատասխան եզրակացությունները: Բացի այդ, մեզ հասած տեղեկությունների համաձայն՝ մեր ընկերությունն ունեցել է շահերի բախում արտաքին իրավախորհրդատուի ընտրության գործընթացում մասնակցություն ունեցած օտարերկրյա իրավաբանական անձանցից մեկի հետ (ինչն իրականում չի համապատասխանում իրականությանը): Խնդրում ենք հայտնել, թե ու՞մ կողմից է տեղի ունեցել հնարավոր շահերի բախման գնահատումը և ի՞նչ հիմքերի հիման վրա է կայացվել նման որոշումը: Խնդրում ենք տրամադրել նման որոշմանը վերաբերող բոլոր փաստաթղթերի պատճենները:
6. Արդարադատության նախարարության կամ նրա ենթակա կառուցներից ինչպիսի՞ գրագրություն է առաքվել մեր ընկերության կողմից ներկայացված 4 ընկերություններին (Hogan Lovells, Linklaters, Signature, Boies, Shiller and Flexner): Խնդրում ենք տրամադրել այդ գրագրության բոլոր պատճենները:
7. Ո՞ր օտարերկրյա իրավաբանական ընկերությունն է ընտրվել որպես ՀՀ արտաքին իրավախորհրդատու, և ի՞նչ չափանիշների հիման վրա է կատարվել

այդ ընտրությունը: Որքան է կազմում ընտրված (եթե այդպիսին կա) ընկերության գնային առաջարկը: Խնդրում ենք նաև տրամադրել ընտրության մասին որոշում, ինչպես նաև գնահատման արդյունքները, ինչպես ընտրված ընկերության, այնպես էլ բոլոր առաջարկ ներկայացրած ընկերությունների:

Խնդրում ենք տեղեկություն ստանալու հարցմանը պատասխանել «Տեղեկատվության ազատության մասին» ՀՀ օրենքի 9-րդ հոդվածով սահմանված կարգով և ժամկետներում:



Հարգանքով՝

ԻԱԿ նախագահ Շուշան Դոյրոյան